

Filemon

¹ Nai Pol Jesus Kristus san subanek tamol girek en ngire da. Id teid Timoti dam nai da mumado da. Girek en mañanema bubema buson di urat kisaek Filemon,

² agod midaen onsa ab lo dutumani na yan dam an sam na ngire da. Apfia idaned lud, agod Akipus in mañ da sisem Kristus san yu tamol igo won, girek en miganeg sam na ipalu da.

³ Naisag ilog lo Bai Anut agod Jesus Kristus Tubun en da insad ilo panek agod bube maror an dupanar o ibol da.

Pol san ilo uyan gadin

⁴ O teig Filemon, saen nai Anut nugudani dan lo, on o pempem ilog isou dop, Bai Anut ilo uyan nupani da.

⁵ Man dugo, onane ilo rumok Jesus Tubun ak lo yan, agod inanen tamolpein gun ak fidian ninedi wo umat dan dam, nai nalon a.

⁶ Nai Anut nusumianip, aenta naod na onane ilo rumok kuai tem ubol ilasa dan lo se dabai ipanop, an lo nunon uyan uyan ak a id o Kristus lo yen dan ulon uyanan a.

⁷ O teig, onsa ilo panek an nai ilo uyan tubun kasik, agod tan suek uyanan geig ipanag da. Man dugo, on Anut san gun adi binawaig lo ilod pasa ibol a.

Pol Filemon ilon inane wo ibol da

⁸ Amaiak ninjen o ηai Kristus lo yak seg isodudunag ηilasa dop, mel a onj gane san an itaot gane wo ka ηusoduduno wa. Ago bo man ru kubi-aen naok ago yak ηurupaio man ηamoi da.

⁹ Tia, onj ηai da nug ilon tupani da, fun an lo man onj ilo ηinjane wo ilog tubun mi yen da. Awo, ηai Pol, tamol wagam ag ηilasa ya, agod gamu dam Jesus Kristus san subanek tamol ηumado dan,

¹⁰ Onesimus,* ηaineη nanuk igo wonj, onj inj maror lo ηane wo ηugudano da. Saen ηai sein nam dusubanag an lo, inj Jesus Kristus ilon lo rumok a, an lo inj ηaisiganeg nanuk mok igo ilasa ya.

¹¹ Imug mi onj mala lo inj tamol lou aman tia yak igo imado se ya, ak gug gamu man onj o, agod ηai o dam, tamol lou aman da yak igo ilasa ya.

¹² Gidad ηaineη bubeg fidian inj lo yen dak bo man, gamu ηai onja na ηidinig ipalu da.

¹³ Nai ηabituanip, saen ηai bilaluη uyanan ak ninjen subanek lo ηumado dan ninjen o, inj onj wage lo ibinawag o ilog ibol da. Ago bo man,

¹⁴ mel ta a onj uyan ta pani na yan ηigane san o ilog ta ibol na ya. Ago dop man mel dugon uyan ak gane wo man, onje ilo nam gane wa. Ak gug kagin an ninjen ηai ta ηusoduduno na wa.

¹⁵ Nag saen katukan mi onj ibisawog isol yau a, an san fun man, inj imul gup pempem mi onj da sisem amado wak boi.

¹⁶ Gubak mi inj onja bigabeg urat igane ya. Gug gamu tia ya, tia, gamu man onjane tei mok Kristus lo yak igo onj ka ηane wa. Nai inj o bubeg bulbal

* **1:10:** Grik ru lo, Onesimus yanjan san fun man: lou aman da yak.

da, oŋ dam rumok nek ago mi a, inŋ tinin lo agod Tubun en lo dam ibinawo wa.

¹⁷ Amaiak ninen o, oŋ ŋai oŋane tura igo woŋ liag tap man, oŋ ŋai ŋiliag ak ago mi Onesimus dam ŋane wa.

¹⁸ Mel ta lo muruan ipano boi, tia, oŋane gubun ta tinin lo yen tap, ŋai yaŋag paen na ganep, an lo gubun an ŋai tinig lo yen a.

¹⁹ ŋai Pol ru en seg banig nam ŋigire dan lo igo ŋabol, ŋaiseg mi inanen gubun ŋukubunep itout a. ŋaisag gubun a oŋ tini lo yen dan man oŋse mi, kabelan oŋ an ilo inaoŋ banau.

²⁰ Awo teig, oŋ Tubun ak san a, ak ninen o lou uyan ak ta panag o ilog ibol da. Agod Kristus ninen o dam oŋ ŋaineg bubeg maror pani wo ilog yen da.

²¹ ŋai awag uri pani san o tinig ŋupano da. Ak ninen o girek en oŋsa na ŋigire den lo ŋaloŋ ak, mel e ninen ŋusumiano den oŋ itaot ganep subuŋan taidam gane panag a.

²² ŋai mel kisaek taidam ninen ŋusumiano da. Galuŋ ta kubune panag a. Man dugo, ŋai ilog yen dak man, aŋ gudanek wei mi agane dan lo, Anut aŋsam gudanek awan yabi dop lo fon ŋamul pe naom na ŋilasa wa.

Ru wadan

²³ Epafraŋ dam inŋ ŋai da Jesus Kristus ninen subanek ab lo mumado dan, inanen ilo uyan ru aŋsam na iganeg ipalu ya.

²⁴ Nek ago mi ŋaisag urat kisaek adi, Mak, Aristakus, Dimas, agod Luk, inaned ilo uyan dam dupanaŋ da.

²⁵ Tubun ak Jesus Kristus san ilo panek an aŋanem ŋutum fidian da itumanip amado.

Anut san bilalug foun
The New Testament in the Takia Language of Papua
New Guinea
Nupela Testamen long tokples Takia long Niugini

Copyright © 1999 The Bible Society of Papua New Guinea

© Faith Comes by Hearing

Language: Takia

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-12-11

PDF generated using Haiola and XeLaTeX on 18 Mar 2025 from source files dated 31 Aug 2023

757b3e4e-2023-5b45-893a-ee9294ddeb9d